

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆՈՒ**

«---» ապրիլի 2012 թ.

N-Ա

ՈՐՈՇՈՒՄ

**ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆԵՐՆ
ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ**

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2011 թվականի դեկտեմբերի 9-ի հ. 345-Ն որոշման հավելվածի 3-րդ կետով՝

Երևան քաղաքի ավագանին որոշում է.

1. Թույլատրել Երևանի քաղաքապետին.

1) Հարավ-Արևմտյան Բ 1 թաղամասի 37 շենքի հ. 62 բնակարանը սեփականության իրավունքով անհատույց օտարել (նվիրել) Վաչագան Լյուդմիլի Ծատուրյանին,

2) Հարավ-Արևմտյան Բ 1 թաղամասի 37 շենքի հ. 65 բնակարանը սեփականության իրավունքով անհատույց օտարել (նվիրել) Գարեգին Պարույրի Մելքոնյանին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆԵՐՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

1. Երևան քաղաքի նախկին Օրջոնիկիձեի շրջխորհրդի գործադիր կոմիտեի 24.11.1989թ. հ. 23/75 որոշման հիման վրա թույլատրվել է նախկին Օրջոնիկիձեի պողոտայի 13 շենքի հ. 13 բնակարանի վարձակալ Լյուդմիլ Կաչազանի Ծատուրյանի 4 անձից բաղկացած ընտանիքի հետ, տեղում կառուցվող Օրջոնիկիձեի պողոտայի 13/1 շենքի 6-րդ հարկի հ. 19 երեք սենյականոց բնակարանի վերաբերյալ կնքել բնակարանային պայմանագիր:

Ժամանակավոր բնակության համար վերոհիշյալ քաղաքացուն 24.11.1989թ. կնքված պայմանագրի համաձայն հատկացվել է Երևան քաղաքի Հարավ-Արևմտյան Բ 1 թաղամասի հ. 37 շենքի հ. 62 բնակարանը, որտեղ էլ վերջինս մինչ այժմ բնակվում է իր ընտանիքով:

2. Երևան քաղաքի նախկին Օրջոնիկիձեի շրջխորհրդի գործադիր կոմիտեի 24.11.1989թ. հ. 23/80 որոշման հիման վրա թույլատրվել է նախկին Օրջոնիկիձեի պողոտայի 13 շենքի հ. 17 բնակարանի վարձակալ Պարույր Աշոտի Մելքոնյանի 4 անձից բաղկացած ընտանիքի հետ, տեղում կառուցվող Օրջոնիկիձեի պողոտայի 13/2 շենքի 6-րդ հարկի հ. 19 երեք սենյականոց բնակարանի վերաբերյալ կնքել բնակարանային պայմանագիր:

Ժամանակավոր բնակության համար վերոհիշյալ քաղաքացուն 24.11.1989թ. կնքված պայմանագրի համաձայն հատկացվել է Երևան քաղաքի Հարավ-Արևմտյան Բ 1 թաղամասի հ. 37 շենքի հ. 65 բնակարանը, որտեղ էլ վերջինս մինչ այժմ բնակվում է իր ընտանիքով:

Սակայն, Երևան քաղաքի նախկին Օրջոնիկիձեի (ներկայիս Արշակունյաց) պողոտայի հ. 13 հասցեում գտնվող վթարային շենքի փոխարեն նախկին Օրջոնիկիձեի 13/1 և 13/2 (ներկայիս Արշակունյաց) հասցեներում նոր կառուցվող շենքերի շինարարությունը դադարեցվել է և դրանք չեն կառուցվել:

Հարավ-Արևմտյան Բ 1 թաղամասի հ. 37 շենքի հ. 62 և հ. 65 հասցեների բնակարանները, ինչպես նաև պետական սեփականություն հանդիսացող այլ բնակարանները ՀՀ կառավարության 29.05.2009թ. հ. 604-Ն որոշմամբ սեփականության իրավունքով փոխանցվել են Երևան համայնքին:

ՀՀ տարածքային կառավարման նախարար, փոխվարչապետն իր 22.03.2012թ. հ. 01/21/1550-12 գրությամբ խնդրել է քննարկել և ՀՀ օրենսդրությանը համապատասխան լուծել վերը նշված անձանց և նմանատիպ խնդրով այլ քաղաքացիներին հատկացված բնակարանների փոխանցման հարցը:

Ստեղծված իրավիճակում Երևան քաղաքի Հարավ-Արևմտյան Բ 1 թաղամասի հ. 37 շենքի հ. 62 և հ. 65 հասցեներում գտնվող բնակարանները սեփականության իրավունքով Վաչագան Լյուդմիլի Ծատուրյանին և Գարեգին Պարույրի Մելքոնյանին անհատույց օտարելու /նվիրելու/ համար անհրաժեշտություն է առաջացել կայացնելու Երևան քաղաքի ավագանու համապատասխան որոշում, որով կլուծվի նշված անձանց ընտանիքների բնակարանային խնդիրը:

ՏԵՂԵԿԱՆՔ

**«ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆԵՐՆ
ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ՈՐՈՇՈՒՄՆԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Երևան քաղաքի սեփականություն համարվող բնակարաններն անհատույց օտարելու մասին» որոշման ընդունման առնչությամբ առաջանում է «Երևան համայնքի սեփականություն հանդիսացող բնակարաններն անհատույց օտարելու մասին» Երևանի քաղաքապետի որոշում կայացնելու անհրաժեշտություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆԵՐՆ
ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ
ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Երևան քաղաքի սեփականություն համարվող բնակարաններն անհատույց օտարելու մասին» որոշման ընդունման կապակցությամբ Երևանի բյուջեի եկամուտներում և ծախսերում էական փոփոխություններ չեն սպասվում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ